

Aruba ta e unico nacion cu no tin un parke marino

ORANJESTAD – Den tur e islanan den e region di Caribe, Aruba ta e unico cu no tin un parke marino, segun Rudy Davelaar, presidente di Aruba Marine Park Foundation. E ta sigui comenta cu instalando uno na Aruba, ta bay yuda grandemente cu cierto proteccion manera di industria di pesca, regulacionnan entre otro., caminda cu tur hende, tur partner por funciona dentro di un parke marino y haci'e di un forma cu e ta keda sostenibel pa generacionnan cu ta sigui.

ACERCAMIENTO NA MINISTRONAN

Davelaar a comenta cu tur e programanan cu Aruba Marine Park Foundation a bin ta

traha riba dje for di november 2009, ora cu a presenta esakinan na ministro Otmar Oduber, a haya cu na cierto momento mester a envolvi ministro Sevinger, kende e tempo ey tabata encarga cu medio ambiente. Dor cu tin e diferente carteranan bao di e diferente ministernan, mester acerca nan di nobo. E ta sigui splica e motibo di acercamento inicialmente na ministro Oduber, pasobra lantamento di un parke marino, no solamente ta pa medio ambiente, ta yuda den caso aki drecha y duna un realse na e producto Aruba como un producto turistico. Aruba Marine Park Foundation a bin ta papia cuater aña

caba cu e gobierno, incluso minister Sevinger y Oduber, pa loke ta e instalacion di un parke marino. Instalacion di un parke marino, manera menciona anteriormente, no solamente ta pa haci'e sostenibel pa generacionnan dilanti y pa proteccion di entre otro industria di pesca, pero ta pa yuda entre otro proteccion di medio ambiente, naturalesa marino, como tambe yuda tambe cu cierto proteccion y regulacionnan pa turismo.

CREA FONDO PA TURISMO

Loke Aruba a haya nan mes aden cu dor di e cambio di cartera di medio ambiente, tin cu bay papia e ora ey cu e otro minister y naturalmente tur plan manera Blue Flag, Parke Marino, tur eseynan lo wordo treci debidamente na su atencion, Davelaar a comenta. Atrobe mester tin envolvimento di e minister di turismo pa motibo cu e turismo ta e caminda cu lo por crea fondonan pa un Parke Marino. Si wak bon por ehempel Boneiro, nan tin 15 mil habitante, compara cu



Aruba di 100.000 bay ariba. Boneiro tin un turismo di 75 mil hende pa aña, Aruba tin casi 1 miyon, tin ora mas cu esey, pero tin un dragflag turistico, caminda cu, mescos cu Boneiro, cu ta cobra su turistanan pa haci uzo di un Parke Marino, Aruba tin e dragflag financiero aki. Esaki mester wordo haci pa gobierno dor di pasa un ley: pa institui un Parke Marino, diseña y implementa un area y apunta un Fundacion di Parke Marino, pa maneha esaki den nomber di gobi-

erno y dor di implementa e ley ey, caminda cu ta para cu por cobra pa haci uzo di un Parke Marino. Akinan dor di uza recurso turistico, por crea fondo pa haci tur e tareanan aki, incluso e beachnan, Blue Flag Certification, proteccion etc., sin tin mester di pone un peso financiero riba gobierno.

Esaki dor di djis gobierno permiti e implementacion di e ley aki, por cobra e usuario, den e caso aki, por cuminsa riba e area turistico, Davelaar a splica. □

